



O LE FAAVAE O LE
MALO O LE ATUA



“Ua ita foi le tarako i le
fafine, ona alu atu ai lea o
ia e tau le taua ma i latou
ua totoe o lana fanau, o e
ua tausi i poloa’iga a le
Atua, ma ua taofi le mau ia
Iesu Keriso”
(Faaaliga 12:17)



V
"Honra teu pai e tua mãe."

VI
"Não matarás."

VII
"Não adulterarás."

VIII
"Não furtarás."

IX
"Não dirás falso testemunho."

X
"Não cobiçarás."

I
"Não farás outros ídolos diante de Mim."

II
"Não tomarás o nome do Senhor teu Deus em vão."


III
Lembra-te do dia do sábado para o santificar."



I se va'aiga i le lalolagi o loo si'omia ai i tatou, e mafai ai ona tatou va'ai atu i le foafoaina e le Atua o tulafono o loo pulea ai. O tulafono e iloa ai, mo se faataitaiga, o le auala e tupu ma atina'e ai le tagata soifua. E i ai foi le tulafono e puipuia ai mai le lafoa'ina ese o'i tatou a'o taamilomilo le Lalolagi i le saosaoa maualuga i lona ala faatulagaina e faataamilo ai i le la.

Na faia foi e le Atua le Tulafono e faailoa mai ai le auala e ao ona faatinoina ai, ma e pulea uma ai e o nonofo i lenei lalolagi ma e o loo nonofo i isi lalolagi, e aofia ai ma agelu.

Ua totōina foi e le Atua lenei Tulafono i tagata popoto uma i le atulaulau (Roma 2:15). Peita'i, o le agasala ua faasesēina ai le Tulafono ua i a'i tatou. O lea la, ua tuuina mai e le Atua ia lava i a'i tatou e ala i le siufofoga ma tusitusiga (Teuteuronome 4:13).



O le Tulafono:



O le Tulafono i le Malumalu i le Lagi



O le Tulafono e Faavavau



O le Sapati:



O le uiga o le Sapati




O le Sapati ma le taimi o le iuga



O le Tulafono, o le Sapati ma le tapua'iga

O LE TULAFONO



O LE TULAFONO I LE MALUMALU I LE LAGI

"Ua faaavanoaina foi le malumalu o le Atua i le lagi, ona iloa atu ai lea o le atolaau o Lana feagaiga i Lona malumalu;" (Faaaliga 11:19a)




Na vaaia e loane le malumalu faale-lagi ua matala ma, i totonu, "ua iloa" atu ai o le atolaau o le feagaiga (Faaaliga 11:19). Pe na natia ea le atolaau o le malumalu faale-lagi se'ia oo i lena taimi? O le a se mea o faatusa i ai lenei faaaliga?

Ina ia tatou malamalama i lenei faaaliga, e ao ona tatou vaava'ai i le malumalu faale-lalolagi, ma sauniga sa faamanatuina ai iina.

Sa tumau le "natia" o le atolaau mo le tausaga, ma e faato'a mafai lava ona toe "va'aia" i le Aso o le Togiola; ona e faatasi lava i le tausaga (Levitiko 16:2, 12-13). O lea lava aso e faia ai le faamasinoga, ma e mautinoa lava le faamamāina o agasala (Levitiko 16:30).

O le faaaliga na tuuina atu ia loane na faailoa mai ai, le faato'a uma atu lava o le faaaliga i le mataupu e 11 (lea na matuā faasalalau atu ai le tele o le Tusi Paia i le amataga o le 19th seneturi), ae na amata ai loa ma le Faamasinoga i le Lagi.

E pei o lona ata faale-lalolagi, o le atolaau o loo i ai poloa'iga e 10, lea o le a faamasinoina ai i tatou. E i ai foi ma le nofoa o le alofa tunoa, o le faailoga foi o le alofa mutimutivale faale-lagi, lea o loo ufitia ai i le toto o Iesu a tatou agasala (1Peteru 1:18-19; 1Ioane 2:2; Salamo 85:10).




O LE TULAFONO E FAAVAVAU

“Aua ne’i outou manatu ua Ou sau e tatalaina le Tulafono poo le au Perofeta; Ou te le’i sau e tatalaina, a ia faataunuaina” (Mataio 5:17)

E ui lava ina ua masani le faalogo i le tele o taimi e uiga i le soloia e lesu o poloa’iga e 10 i luga o le satauro, ae le o le a’oa’oga lea a le au toefuata’ina, e le o se a’oa’oga foi lea a le Tusi Paia.

A’o le mea moni, i luga o le satauro, o tulafono ma sauniga sa faia e faasino i le falefetafai faale-lalolagi ua le toe aoga, ae le o le tulaga lea i le Tulafono tau le amio (Efeso 2:15).



O le Tulafono a le Atua e faavavau, e le faatapulaaina sona taimi, e atoatoa, ma pulea amioga a tagata atamamai uma na foafoaina e le Atua (Salamo 19:7; 119:142; Roma 7:7, 12, 16, 22, 25; 1Ioane 3 :4).

O le mea moni lava, e faavavau le Tulafono, ona o loo atagia mai ai amioga uma lava a le Atua.

O le amio a le Atua

“O le amiotonu ma le faamasinoga o loo tumau ai Lou nofoalii” (Salamo 89:14a)

“O le alofa ma le faamaoni la te muamua atu i Ou luma” (Salamo 89:14b)

O le tulafono

“Aua ua tonu Au poloa’iga uma lava” (Salamo 119:172b)

“O le mea moni foi Lau tulafono” (Salamo 119:142b)




O LE SAPATI



O LE UIGA O LE SAPATI

“Ia manatua le aso Sapati ia faapaiaina” (Esoto 20:8)



O le poloa'iga e fa o loo mana'omia ai le tausiga o le Sapati mo ni mafuaaga se lua: Ona o le Atua na foafoaina i tatou (Esoto 20:8-11); ma ona o la na togiolaina i tatou (Teuteuronome 5:12-15).

Mo i tatou, o le Sapati o se aso malolo o le vaiaso e vivii atu ai i Le na Foafoaina i tatou; mafaufau loloto i Lona alofa togiola; ma ia manatua Lana folafolaga e nonofo faatasi ma Ia i le Lalolagi Fou. Ia malamalama i le mea lenei, o le Sapati e mo i tatou o se faamanuiaga faapitoa mai lo tatou Atua.



I le isi itu, o loo faamanatu mai i a'i tatou le alofa tele o le Atua na te le tuulafoa'ina i tatou pe a tatou o ese mai ia te Ia. O se faailoga o se malologa, ae le o galuega; o le alofa tunoa, ae le o le faale-tulafono; o le saogalemu, ae le o le ta'usalaina; o le faalagolago i le Atua e laveaiina i tatou, ae le o a tatou lava taumafaiga e mafaia ai.

E ala i le tausia o le Sapati, tatou te faaalua ai lo tatou faamaoni i le Atua, ma lo tatou faanaunauga ua na o la lava tatou te tapuai atu i ai.



O LE SAPATI MA LE TAIMI O LE IUGA

“Ua tuuina atu foi ia te ia na te avatua le mānava i le faatagata o le manu feai, ina ia tautala le faatagata o le manu fe'ai, ma ia faia ina ia fasiotia i latou uma o e le ifo atu i le faatagata o le manu fe'ai” (Faaaliga 13:15)

I le Faaaliga 13 o loo faamatalaina ai nei malosiaga eseese sa faaaogaina e Satani e faasesēina ai le lalolagi mai le Atua. O mea uma oi lenei mataupu e faatatau lea i mea tau tapua'iga (Faaaliga 13:4, 8, 12, 15).

O se tasi o nei malosiaga o loo ta'ua e faasino tonu lava lea i le nifo ititi o loo i le Tanielu 7, lea o loo saili e sui i taimi ma le tulafono (Faaaliga 13:5; Tanielu 7:25 – i vaitaimi o le 42 o masina e tutusa ma le taimi, ma taimi, ma le afa taimi).



O lenei malosiaga na faaleaogaina ai le poloa'iga lona lua ina ua (tapua'i i tupua), ma ua suia ai le tulafono e fa (o le taimi o tapua'iga), ina ua faaliliuina le paia o le Aso Toona'i poo le Aso Sapati i le Aso Sa.

I le taimi mulimuli, o le a faamalosia ai o ia e tapua'i atu i le “faatagata” e ala i le faasa o le faatau mai poo le faatau atu [e faasaina i le Sapati] (Faaal. 13:14-17). O lenei “faailoga o le manu fe'ai” o se faailoga e ta'u mai i a'i tatou i latou o le a talia le Aso Sa na faia e le tagata o se aso tapua'i, nai lo le Aso Toona'i (o le Aso Sapati lea) na faia e le Atua mo le tagata e malolo lelei ai.





O LE TULAFONO, O LE
SAPATI MA TAPUA'IGA

«Ua faapea atu ma le leo tele, “Ia outou matata’u i le Atua, ma avatu ia te Ia le viiga, aua ua oo mai le ituaso o Lana faamasinoga. Ia outou ifo i le na faia le lagi, ma le fanua, ma le sami, atoa ma puna o vai”» (Faaaliga 14:7)



O feau e tolu o loo folafola atu i le taimi o le iuga, e fesoota’i atu lea i tapua’iga ma, o lea foi, e aafia ai le Sapati ma le Tulafono a le Atua.

**Fe’au
muamua**

Faaaliga 14:6-7

Sauniuni mo le faamasinoga (o le tulaga lea i le Tulafono), ma tapua’i i le Foafoa (faapei ona faamanatu mai o le Sapati i a’i tatou)

**Fe’au
lona lua**

Faaaliga 14:8

Ia fulitua mai faiga faale-lotu poo ni talitonuga o loo avatu ai tapua’iga e sesē i le Atua

**Fe’au
lona tolu**

Faaaliga 14:9-11

Ia filifili poo ai ae faapeafea foi ona tapuai: o le ATUA o loo tausia le Sapati, o le Alii ia o le Sapati; poo le Fili: e te talia lana faailoga?



E lua ni amioga ua tuuina atu i a’i latou o e mausali lo latou tutu atu i le taimi o le iuga: “latou te tausia i poloa’iga a le Atua ma le faatuatua ia Iesu” (Faaaliga 14:12).

Ina ia tausia poloa’iga i ia taimi faigata, e manaomia lo latou mauaina o le faatuatua ia Iesu ma le: le maluelue; loloto ma ia mauaa; ia faamauina; ia le mafaia lava ona aveesea pe faatoilaloina.

“Pe ana tausia e tagata uma le Sapati, semanū o le a taitaiina atu mafauauga ma lagona o le tagata i lē na Foafoa; o se faatinoga o le ava ma le tapua’iga, ma o le a leai lava se e ifo i tupua, o se tagata e le talitonu i le Atua, poo se tetee atu i le faatuatuaga faa-kerisiano. O le tausia o le Sapati o se faailoga lea o le faamaoni i le Atua moni, “O Ia na faia le lagi ma le lalolagi, o le sami, ma puna o vai.” O loo sosoo mai ai ma se feau e poloaiina ai tagata ia tapua’i atu i le Atua ma tausi i Ana poloa’iga, auā o le a valaauina faapitoa i latou ia tausia le poloa’iga e fa.”